

Upperisat naapinnerat

Upperisaq sunaana?

Upperisat inuit eqqumiigalugit eqqarsaatigisartagaasa ilaat akissutissaqartinniartarpaat. Silarsuaq qanoq ililluni pinngorpa? Inuunerup suna siunertaraa?

Upperisat amerlanersaasa qulaajarniarpaat pissaaneq immikkut ittup, inuit silarsuarlu pinngortissimagai. Imaassinnaavoq Guuti ataaseq imaluunniit arlallit inunnit pallorfigineqartartut. Upperisat aamma isummerfigisimavaat toqup kingorna qanoq pisoqartartoq. Aammattaaq upperisat oqariartuuteqarput qanoq inuunerput ingerlatissagipput qanorlu immitsinnut pissusilersorfigissanersugut.

Kisianni upperisat eqqarsaataannaanngillat oqaluttuaannaanatillu. Upperisat aallunneqartarput kisiimiilluni imaluunniit allanik ilaqarluni.

Oqarsinnaavugut upperisaq amerlanertigut marlunnik imaqartoq:

- 1) Suna upperineripput, tassami upperisatta paasitittarmatigut inuuneq, toqu silarsuarlu qanoq ittuusut. Nunat Avannarliit upperisatoqaanni guutinik assigiinngitsunik upperisaqartarput. Guutit tamarmik immikkut isumagisaqartarput – soorlu guutip arnap Freja-p asanninneq isumagisarpaa. Inuit upperivaat Sassuma Arnaa, qivittut Qaammatillu Inua. Kristumiussutsimi upperineqarpoq Guuti, Jiisusi anersaarlu illernartoq Guutitut ataatsitut.
- 2) Iliuserisartakkat. Taakkua Rituali-nik imaluunniit ileqqunit taaneqartarput. Upperisarsiorneri tamani ritualeqarpoq. Taakku tassa iliuutsit immikkuullarissumik iliuuserineqartartut. Imaassinnaavoq immikkut ittumik angusaqarusulluni imaluunniit Guuti pallorfigerusullugu. Inuunermi pingaarutilimmik pisoqarpat immikkut ittumik aamma iliuuseqartoqartarpoq. Upperisani amerlanerni immikkut ittunik ritualeqarpoq, inunnik inunngortoqaraangat, inersimasunngortoqaraangat, katittoqaraangat toqusoqaraanngalluunniit.

Tassa upperisani tamani assigiinnik pisoqartarpoq. Kisianni aamma assigiinngissuteqartarput, tassami nunarsuarmi piffinni assigiinngilluinnartuni pinngorsimagamik.

Assersuutigalugu nunani kiattuni panernersuaqaraangat narsaatinut sialummik qinunermut tunngsumik ritualeqarpoq, nunanilu issittuni allaqqinnaanik pisariaqartitaqartarlutik.

1) Palasit angakkullu:

Tegneseriami ujarlerit (soorlu qupp. 3, 11, 13 aamma 25),
paasinialrugulu palasit angakkullu sunik suliaqartarnersut.
Akissutitit uunga allakkit:

Palasi:

Angakok:

2) Piffik ajunngittoq: Imaq Qilalluunniit?

A: Qupp 10 atuaruk ukulu allaaseralugit: Kalaallit toqoreernermi “Piffik
ajunngittoq” pillugu qanoq takorluuisarsimappat? Sooruna
nuannerunartissimagaat? Kristumiummi suna nuannerunartissimavaat? Sooq?

Klassimi oqallisigisiuk “Piffik ajunngittoq” taakkunani upperisani marlunni as-
sigiinngitsunik takorloorneqartarsimanagera aammalu oqarsinnaanerluta inuuner-
mut isiginnittaatsit arlaa aapparminik pittaanerunersoq. aappaa ajunngitsuvoq
aappaalu ajortuuvoq? Tegneseriami Qilak-mik taaneqartoq Paratiisi-tut paasine-
qassaaq

B: Assimi allerpaami saamiup tungaaniittumi Hans Egede-p Tiaavulup assinga takuteriarlugu oqarpoq Anniafinngooq amiilaarnartorsuaq nunap ataaniimmat immap naqqa aamma Anniafimmuq ilaavoq. Allaasariuk: Kalaallit tamanna tusaramikku qanoq qisuariapat? Sooruna?

C: Qupp. 12-mi 13-milu Hansi ernerilu marluk biibilimi oqaluttuanik oqaluttuussiartorlutik kalaallit illuisa ilaanni pulaarput. Angakkumik aamma pulaartoqarput. Hansi Adam Evalu pillugit oqaluttuaruttulersoq tassangaannaq angakkoq qullermik qameqqusivoq. Taavalu eqqaminiittunik sianigisaarulluni Toornaarsuk torlorfigaa.

Allannerit peqqissaarlutit atuareerukkit assillu isiginnaareerukkit, assimi kingullermi susoqarnersoq nassuiassavat. Aamalu ilanngullugu nassuiaruk qanoq kristumiut oqarnerisut paasinninnerallu anngakkup suliaanik:
